

M160P: Rothsche Predigtsammlung (P) / Priester Konrad: Predigtbuch (P)

- 404,1 er hiez sehs mennische tôte von dem tôde ûf erstên .
 404,2 dâ wurden ouch geheilet sibenzic mennische von maniger slahte
 404,3 siechtuome . nû in unser hêrre alsô geêret hât nû schulen ouch wir
 404,4 in êren mit guoten werken ûf sîne genâde daz er uns hin ze
 404,5 gote helfe daz wir nâch disem lîbe den êwigen lîp besitzen müezen
 404,6 âmen . de sancto Johanne evangelista . x. . sermo .
 404,7 valde honorandus est beatus Johannes qui super pectus domini in cena
 recumbuit .
 404,8 der guote . sancte . Johannes evangelista des dult wir hiute begên der was
 404,9 unseres hêrren trût unde sîner muomen sun unde was im sô heimeliche
 404,10 daz er in ûf sîner bruste slâfen lie ûz der selben bruste
 404,11 kom im diu gotelîche wîsheit . dâ von er alle die kristenheit gelêret
 404,12 hât . dô er wîp nemen wolte dô nam in unser hêrre unde behuote
 404,13 in vore allen vîantlîchen dingen . dô unser hêrre durch unser
 404,14 heil an daz heilige kriuze erhangen wart . dô entvalch er . sancte . Johanne
 404,15 sîne liebe muoter . wir lesen an der heiligen schrift . wie er daz heilige
 404,16 gotes worte seite ze einer stat dâ er bischov was diu hiez Ephesus
 404,17 unde manic grôz zeichen dâ begienge dâ er beidiu den heiligen gelouben
 404,18 mit vestenete unde die heilige kristenheit mit gemêrete unde die
 heidenschaft
 404,19 mit bekêrete . dâ was ein vile wîser heiden inne der
 404,20 ne wolte sich iedoch niht bekêren durch . sancte . Johannis lêre . vûre
 404,21 jungest teilte er im ein rede vore ob er ein trinken wolte trinken
 404,22 daz er im schankte sô wolte er an sînen got gelouben . dô sprach
 404,23 der liebe hêrre . sancte . Johannes . swaz dû mir getarst schenken daz
 404,24 getar ich wole in mînes lieben hêrren Jesu –[...] namen trinken .
 404,25 dô hiez im der heiden ein vergifte vûre tragen diu was sô vreissam
 404,26 swer der genôz der lac ze stete tût . under diu sante er hin ze
 404,27 dem rihtære daz er im zwêne manne sante die ze sîner vesten
 404,28 wâren daz die der selben vergifte vore . sancte . Johanne trûnken unde dô
 404,29 si tût dâ von wâren sô bedâhte sich . sancte . Johannes daz er nû die
 404,30 trünke . dô segenete . sancte . Johannes die vergifte unde tranc die in dem

 405,1 namen des heiligen Krist sô daz im niht en war . dô der heiden daz
 405,2 gesach daz im diu vergifte niht geschadet hête . dô bat
 405,3 er den guoten . sancte . Johannem daz er die zwêne manne die von der

- 405,4 gifte tât wâren . wider ûf hiez stên von dem tôde in dem namen
405,5 sînes gotes . sô wolte er an sînen got gelouben . dô hiez si der
405,6 guote . sancte . Johannes in nomine patris et filii . et spiritus . sancti . von
dem tôde ûf
405,7 stên . dô der heiden daz gesach . dô toufete er sich . unde ander
405,8 genuoge die die grôzen zeichen sâhen . dâr nâch vienc den guoten
405,9 . sancte . Johannem ein heidenischer küninc von Rôme . der hiez
Domitianus
405,10 der warf in in eine botigen volle welliges öles . unde
405,11 wolte den heiligen hêrren dâ mit ertoetet haben . dô bewarte in dâ
405,12 der heilige Krist . daz im niht en war . dô in der küninc dâ mit
405,13 niht mohte ertoeten . dô versante er in in ein insula . diu hiez
405,14 Patmos . dâ ne hête er necheines trôstes niht mêre . wan alsô in
405,15 got selbe beruochte mit sînem heiligen engele . dâ schreip er ein
405,16 buoch . daz heizet Apocalypsis . daz quiut “offenunge .” wan dâ eroffenete
405,17 im unser hêrre alliu diu tougen . diu ergangen sint . unde noch
405,18 ergên schulen . zwischen gote unde der kristenheit . unze an daz ende
405,19 der werlte . under diu ersluogen die Rômære ire küninc . der . sancte .
405,20 Johannem versant hête . dô vuor . sancte . Johannes von Patmos wider zuo
405,21 sîner kristenheit ze Epheso dâ er bischov was . dâr kômen alle die
405,22 bischove die in dem lande ze Asia wâren . unde entviengen in mit
405,23 michelem vlîze . unde seiten im . sîne heiligen hûsgenôze die heiligen
405,24 zwelivboten . die wâren alle gemarteret . unde von disem lîbe gescheiden .
405,25 unze an in einen . unde daz er nû aller der kristenheit
405,26 houbet unde vater wære . dâr zuo kündeten si im daz . daz sîne
405,27 gesellen die heiligen vier êwangelisten . sancte . Matheus . sancte . Marcus
. . sancte .
405,28 Lucas ire driu evangelia volliclîchen geschriben hêten . der heiligen
405,29 kristenheit ze trôste . unde ze genâden . unde ouch dem heiligen Christo
ze
405,30 lobe unde ze êren . unde daz si volliclîchen urkünde hêten gegeben
405,31 unseres hêrren gebürte . unde sîner heiligen marter sîner heiligen
405,32 urstende . unde sîner heiligen ûfverte . unde dâ zuo genuoc geschriben
hêten
405,33 von sînen zeichenen . unde von allen –[...]
405,34 –[...] gebet dô sprach unde der keiser enbeiz . dô kêrte
405,35 sich eines visches grât alsô daz got wolte im in den hals . den
405,36 ne mohte im nechein arzât noch nechein zoubere ûz gewinnen .
405,37 alsô was er dâ mit gemarteret unze an die zîte alsô im . sancte . [Silvester]
- 406,1 seite unde lac tât . dô kom der heilige bâbest . sancte . Melciadem mit
406,2 sîner pfafheit unde anderen heiligen kristenen unde nâmen den guoten .
sancte . Silvester .
406,3 ûz dem karkære mit michelen vrôuweden . dâr nâch dô der bâbest
406,4 verschie . dô wart . sancte . Silvester ze bâbeste erwelt . dô predigete er
daz
406,5 heilige gotes wort den ungeloubigen . bî den zîten wâren dâ ze
406,6 Rôme zwêne rihtære . der eine hiez Zenophylus der ander Craton .

- 406,7 dâ wâren ouch künige unde ander vürsten genuoge . den seite er vore
 406,8 von allen den genâden die got mit dem mennische begangen hête .
 406,9 des lobeten si den almehtigen . got . swie si heidene wâren . dô was ein
 406,10 übeler heiden dâ . der hiez Zambri . der sprach mit zorne . mich
 406,11 nimet grôz wunder sô wîse hêrren sô ir sît . daz ir ditz geloubet
 406,12 von einen gote der sich lie marteren an einem kriuze . des namen
 406,13 niemann verdulten mac . unde welt ir die wârheit sehen . sô heizet
 406,14 mir gewinnen einen pfar . dem wile ich sînen namen in daz ôre
 406,15 sprechen daz er tôt lît . dô gebuten die rihtære daz man einen
 406,16 griuwelîchen unde unsemften pfar gewan . dem nante er eines tiuvels
 406,17 namen in daz ôre . daz der pfar vile lûte luote unde kêrte die ougen
 406,18 umbe unde lac tôt . des erkômen die kristene vile sêre . dô hiez si der
 406,19 guote . sancte . Silvester . alle geswîgen . unde sprach . “ir wîsen Rômære
 hoeret .
 406,20 die wârheit . Zambri der betriuget iuch . ez en was niht unseres
 406,21 hêrren name . Jesu . Christi . den er dem pfarr in daz ôre sprach . iz was
 406,22 eines vile übelen tiuvels name . wande der got den ich predige der
 406,23 toetet unde machet wider lebentic . dirre tiuvel der toetet unde ne
 406,24 mac niht wider lebentic gemachen . gebietet Zambri daz er den
 406,25 pfar ûf heize stên von dem tôde . in des namen alsô er in ertoetet
 406,26 hât . sô müget ir im desten baz gelouben .” –[...]
 406,27 –[...]
 406,28 mit sînem gebete unde mit anderen heiligen werken . er trôste die
 406,29 armen die witewen die weisen die pilgerîme unde gap in die herbergen .
 406,30 dô begunde sich vaste breiten der sîeze liumunte von
 406,31 sîner heilicheit . nû was ein hêrre dâ mit grôzem siechtuome
 406,32 entvungen unde lac an dem tôde der gerte dô des heiligen priesteres
 406,33 . sancte . Severum daz er im sîn rehte gæbe bîhte unde buoze unde den
 heiligen
 406,34 gotes lîchnamen ze urkûnde unde ze antlâze vüre sîne sünde wande
 406,35 sîne sêle wolte iezuo von im scheiden . dô die boten hin ze . sancte .
 406,36 Severum kômen dô vunden si in in sînen wîngarten daz er die reben
 406,37 besneit . dô si im die boteschaft dô seiten dô sprach er ze in daz
 406,38 si vüre giengen er koeme schiere nâch in . dô sach er daz im sînes
 406,39 werkes ein wênic über wære unde volbrâhte daz [êr] er hin ze dem

 407,1 siechen gienge . dâr nâch huop er sich den wec . dô bekômen
 407,2 im die boten ûf dem wege und –[...]
 407,3 “–[...] leben wider geben .” dô lobeten si got unde den guoten
 407,4 . sancte . Severum . dô entvie der erstanten sîn rehte bôt sîne bîhte unde
 407,5 entvie sîne buoze unde starp dâr nâch über ahte tage . unde vuorten
 407,6 die heiligen engele sîne sêle in die êwigen genâden . dar bringe iuch
 407,7 der almehtige got . âmen . bî den selben zîten hête der keiser Maximianus
 407,8 geboten swâ man die kristene vûnde daz man si marterete . dô
 407,9 im dô ditz geseit wart von . sancte . Severo . dô hiez er [in] vâhen unde
 vüre
 407,10 sich vüeren . dô er dô vüre in brâht wart dô hiez er im die hende
 407,11 ze rûge binden unde alsô in dem tale Inderocrina vüeren dâ sîn wesen

- 407,12 was . unte hiez im daz houbet abe slahen . dô im die rîtær daz houbet
 407,13 abe sluogen dô kômen zuo aller gesihte zwêne engele in zweier tûben
 407,14 bilede unde machten drîe kriuze über sînen heiligen lîchnamen unde
 vuorten
 407,15 sîn heilige sêle in die êwigen genâden . sîn heiliger lîchname wart
 407,16 mit grôzen êren bestatet bî einer stat in Tuscienlande heizet
 407,17 Orbinetum dâ begêt unser hêrre manic zeichen durch sînen –[...]
 407,18 –[...] daz er deste baz verhæle daz er kristen was . unde
 407,19 tet iz dâr umbe allermeiste . daz er die kristene die er in den grôzen
 407,20 noeten sach . die in den grôzen wîzen vile dicke gezwîvelet hêten .
 407,21 daz er die trôste unde si gevestenete daz si mit gote gestuonden . unde
 407,22 die wîze gerne lideten durch daz michel lôn daz er in gehiez .
 407,23 dô kom daz himelische licht über in under diu unde er die kristene
 407,24 alsô gestarkete . unde kômen in dem selben lichte die heiligen engelen .
 407,25 unde leiten in ein wîzez gewant ane . dâ erschein im ein schoener
 407,26 jungelinc . wîzer danne ein snê . unde kuste in unde sprach ze im . “dû
 407,27 bist iemer ungescheiden von mir .” dô was dâ ein edel Rômære der
 407,28 hiez Nicostratus unde hiez sîn wîp Zoê diu was stumme . die machete er
 407,29 sprechente unde bekêrte si beidiu . er bekêrte ouch Tranquillinus . unde
 407,30 ander genuoge mit im . manne unde wîbe unde hiez si toufen . dô er dem
 407,31 almehtigen gote vile manige sêle gewan . unde der keiser des innen wart .
 –[...]
 407,32 vile leit . dô si in einer naht bî einander alsô lâgen
 407,33 unde vile heize weineten dô sprach diu juncvrouwe ze dem rîtær . “vile
 407,34 lieber hêrre mîn wem wil dû mich nû lâzen oder entvelhen
 407,35 wande unser beider vriuntschaft nieman en weiz . wan got unde
 407,36 wir . nû muoz ich vile unvroelîche leben . wande ich nieman hân der
 407,37 mich troeste .” dô antwurte der rîtær unde sprach . “vile liebiu vrouwe
 407,38 mîn . ich wile dich bevelhen dem guoten . sancte . Sebastiâne . daz
 407,39 er [dîn] pflege unde dich behüete unze mich got her wider sendet .”
- 408,1 mit der rede schiet er von der vrouwen unde vuor er die hervart .
 408,2 diu vrouwe diu entvalch in ouch gote unde dem guoten . sancte . Sebastiân
 .
 408,3 under diu kom der tiuvel eines nahtes zuo der kemenâten dâ diu
 408,4 vrouwe inne lac alsô ez der rîtær solte sîn . unde hiez im ûf tuon .
 408,5 alsô diu vrouwe daz vernam unde spranc si zuo der türe unde tet die
 408,6 ûf . unde entvienc in vüre ire vriedel unde wolte in geküsset haben unde
 408,7 entvangen nâch ire site . dô sprach der tiuvel . “niht vrouwe des
 408,8 ne mac hier niht sîn . ich wile aber daz dû . –[...]”